

**Ilinniarnertuunngorniarfimmi angusimasanik ilinniarnermut allamut nuussisarneq allatullu atuartitsinermit peqataanginnissaq pillugu Namminersorlutik Oqartussat nalunaarutaat nr. 7, 14. april 2015-imeersoq.**

Ilinniarnertuunngorniarneq pillugu Inatsisartut inatsisaanni nr. 13, 22. november 2011-meersumi § 40, imm. 5 naapertorlugu aalajangersarneqarpoq:

*Nassuiaatit*

§ 1. Angusimasanik ilinniarnermut allamut nuussineq nalunaarummi matumani tassaatinneqarpoq ilinniartup ilinniarnertuunngorniarfimmi piffissap ilinniagaqarfiusup ilinniartuuffiusullu ilaani peqataangissinnaatitaanera. Angusimasanik ilinniarnermut allamut nuussinikkut soraarummeernermi misilitsissummut ataatsimut arlalinnulluunniit peqataangitsoortoqarsinnaavoq.

§ 2. Atuartitsinermi angusimasanik ilinniarnermut allamut nuussisinnanissamut tunngavissiisumi pineqarpoq,

1) fagini ilinniarnertuunngorniarfimmi atuartitsiviusuni allanilu ilinniarnertuunngorniarfinni ilinniagassatut pilersaarutit pillugit Namminersorlutik Oqartussat nalunaarutaat naapertorlugu ingerlanneqartuni faginilu allani kalaallit danskilluunniit oqartussaasuinit ilinniarnertuunngorniarfinni qaffasissutsinut A, B-mut C-mulluunniit inissinneqarsimasuni atuartitsineq,

2) nunat avannarliit arlaannit Savalimmiuniillu aamma Ålandimit ilinniarnertuunngorniarfinni atuartitsineq, imaluunniit

3) fagini ingerlatanilu allani nr. 1-imi 2-milu taaneqartunit allaaneruseruni atuartitsineq, tamatumani Naalakkersuisut rektorimit tamatuminnga inassuteqartoqarneratigut suliatigut tunngaveqarluni taamatut aalajangiippata.

*Imm. 2.* Atuartitsineq pineqartoq ilinniarnertuunngorniarfinni qaffasissutsini A, B-mi C-miluunniit inissisimareersimangippat Naalakkersuisut rektorimit tamanna pillugu inassuteqartoqarneratigut pisariaqartinneqarpat suliatigut tunngaveqarluni inissiisinnaapput.

*Angusimasanik ilinniarnermut allamut nuussisinnanissamut piunasaqaatit*

§ 3. Ilinniartuq fagimi ilikkagassatut anguniagaasunik tamakkiisumik ilaannakortumilluunniit naammassinniffiusumik suliatigut piginnaasaqalersimasoq rektori naliliippat qinnuteqartoqarneratigut angusimasanik ilinniakkamut allamut nuussinissaq rektorimit akuerineqarsinnaavoq, takuuk § 2.

*Imm. 2.* Angusanik ilinniakkamut allamut nuussinissamik qinnuteqarnermut tunngavissiisuusunik ingerlataqarsimanermut uppersaatini pisariaqartinneqartunik,

taakkununga ilanngullugit siusinnerusukkut atuartitsinermit uppersaatinik atsiornemillu saqqummiussinissaq ilinniartup akisussaaffigaa.

§ 4. Angusimasani ilinniarnermut allamut nuussisoqarsinnaavoq tamakkiisutut, ilaannakortumik imaluunniit taarsiissutitut nuussinertut.

*Imm. 2.* Faginut angusimasani ilinniarnermut allamut nuussinissamik qinnuteqarnermi tunngavigineqartunut malittarisassat naapertorlugit ilinniartup fagimik pineqartup assinganik taamatulli, imaluunniit ilinniarnertuunngorniartinni qaffasinnerusumik naammassinnissimaguni angusimasani tamakkiisumik nuussinissamut akuerineqarsinnaatitaavoq, taamaattorli takuuk § 13, imm. 2.

*Imm. 3.* Ilinniartoq fagimi ilikkagassatut anguniakkanik tamakkiisumik ilaannakortumilluunniit naammassinnissimalluni suliatigut piginnaasaqalersimappat angusimasani ilinniarnermut allamut ilaannakortumik nuussisoqarsinnaavoq.

*Imm. 4.* Taarsiissutitut angusimasani ilinniakkamut allamut nuussisoqarsinnaavoq ilinniartoq fagimik allamik fagimilluunniit allatut taasamik taamatulli imaluunniit qaffasinnerusumik, ilinniakkami siunertamut tunngasuni fagimut peqataangiffigisassatut aaqinneqartumut taarsiunneqarsinnaasumik naammassinnissimappat. Angusimasani faginut kalaallisut, danskisut, tuluttut matematikkimullu, kiisalu ilinniartitaanermi suliasamat taarsiissuteqarnikkut nuussisoqarsinnaanngilaq.

§ 5. Ilinniartup tunngaviumik ingerlataqarneq siusinnerusukkut naammassisimappagu ilinniartoq tunngaviumik ingerlataqarnermi peqataangiffiusussamik angusimasani ilinniakkamut allamut nuussisinnaatitaavoq, taamaattorli takuuk § 13, imm. 2.

*Imm. 2.* Ilinniartunut ukiumik ilinniarfiusumik kingullermik aallaqqaataaneerisunut ilinniartunullu ilinniakkamik qimatsinerup kingorna ilinniartitaanermut akuerineqartunut angusimasani ilinniarnermut allamut nuussisinaanermik rektori killilersuisinnaavoq. Ilinniartup suliatigut pisariaqartitai aallaavigalugit ilinniarnemillu ingerlatseqqinnerup naapertuuttumik ataqatigiissumillu aaqjissuunneqarnissaa aallaavigalugu killilersuineq aalajangersaavigineqassaaq.

*Angusanit ilinniarnermut allamut nuussinerup inatsisitigut sunniutai*

§ 6. Angusani ilinniarnermut allamut tamakkiisumik nuussinerup ilinniartup fagimi ataatsimi atuartitsinermit tamarmiusumik peqataanginnissaa fagimillu naammassinninnginnissaa nassatarissavaa.

§ 7. Angusimasani ilinniarnermut allamut ilaannakortumik nuussinerup ilinniartup fagimi taassumaluunniit ilaani atuartitsinermit tamarmiusumik peqataanginnissaa nassatarissavaa. Taamaakkaluartoq ilinniartup fagi naammassissavaa, tamanna pillugu malittarisassat

naapertorlugit. Taamaattorli fagimi piukkunnassutsimut inaarutaasumik karakteereqalernissamut tunngavissaanngitsunik angusimasanik ilinniarnermut allamut nuussisoqarpat ilinniartuq fagimi tamatigut misilitsittassaaq. Piffissanut soraarummeerfiusussanut Naalakkersuisut aalajangersagaannut tunngatillugu tamanna ajornanngippat rektorip fagimi misilitsinnissaq siuartissinnaavaa.

§ 8. Taarsiissutitut angusimasanik ilinniarnermut allamut nuussinerup ilinniartup fagimi atuartitsinermut tamarmiusumut fagimillu naammassinninnissamut peqataannginnissaa nassatarissavaa. Ilinniartup fagimik pineqartumik qaffasinnerusumik nangitsinissamut periarfissai rektorip killilersorsinnaavaa.

§ 9. Piukkunnassutsimut karakteereqalerfiusumik fagimik naammassinninnissamut misilitsinnerusinnaasumullu peqataannginnissami ilinniartup fagimi taamatulli qaffasitsigisumik qaffasinnerusumilluunniit misilitereersimanissaa allatulluunniit ilinniarnertuunngorniarfimmi fagimik naammassinnissimanissaa piumasaqaataavoq, tamanna pillugu malittarisassat naapertorlugit.

§ 10. Ilinniartut atuartitsinermut peqataanngiffiusussamik angusimasanik ilinniarnermut allamut nuussisimasut atuartitsinermut pineqartumut peqataasinnaatitaanngillat.

§ 11. Ilinniartut fagimi piukkunnassutsimut inaarutaasumik karakteereqalernissamut misilitsissinnaanermulluunniit peqataanngiffiusussamik angusimasanik ilinniarnermut allamut nuussisimasut ilinniakkap ilaatut fagimik aallaqqaataanit naammassinnissinnaanngillat.

§ 12. Ilinniartuq angusimasanik ilinniarnermut allamut nuussisimasoq ilinniarnertuunngorniarfimmit sivikinnerusumik faginilluunniit amerlanerusunik imalimmik immikkut ingerlataqarnissamik, aamma ilinniarniakkamik ilinniartup malitaanik rektorimit neqeroorfigineqarsinnaavoq.

§ 13. Angusimasanik ilinniarnermut allamut nuussiviusumik ingerlataqarnissaq aallaavittut nutaanngilisoorsinnaanngilaq.

*Imm. 2.* Ingerlatarli ukiut tallimat sinnerlugit qaangiutereernerini naammassineqarsimasoq nutaanngilisimanersoq rektorip aalajangiiffigisinnaavaa.

*Angusimasanik ilinniarnermut allamut nuussinissaq pillugu siumut neriorsuineq*

§ 14. Ilinniartunut ilinniarnertuunngorniarnermik ilaanik Danmarkimi nunaniluunniit allani ingerlatserusuttunut angusimasanik ilinniarnermut allamut nuussinissaq pillugu

Naalackersuisut rektorimit tamanna pillugu inassuteqartoqarneratigut siumut neriorsuisinnaapput.

*Imm. 2.* Siumut neriorsuisoqarneratigut ukioq ataaseq angullugu atuartitsinermut peqataangitsoortoqarsinnaavoq piffissamilu pineqartumi fagimik ataatsimik arlalinnilluunniit naammassinninnissamut peqataangitsoortoqarsinnaalluni.

§ 15. Angusimasanik ilinniarnermut allamut nuussinissamik siumut neriorsuisoqarnissaanik aalajangiisoqartinnagu Naalackersuisut suliatigut tunngaveqarlutik Danmarkimi nunamiluunniit allami pilersaarutaasutut ilinniarnissaq, tassunga ilanngullugit fagit tullerinneri, fagip qaffasissusia, ilikkagassatut anguniakkat ilinniartitaanermiluunniit Danmarkimi nunamiluunniit allami pisumi qitiusumik imarisaasut akuerissavaat.

§ 16. Ilinniartup piffissami fagimi ataatsimi arlalinniluunniit qarasaasiakkut atuartitsinermik naammassinninnissaa angusimasanik ilinniarnermut allamut nuussinissaq pillugu siumut neriorsuinissamik aalajangiiniarnermi piumasaqaatigineqarsinnaavoq.

§ 17. Angusimasanik nuussinissamik siumut neriorsuineq pituttuisuuvoq, ilinniartup atuartitsinerup angusimasanik nuussinissaq pillugu siumut neriorsuinermut tunngaviusup ilaani pingaarutilimmi peqataangitsoorsimanera eqqaassanngikkaanni.

*Atuartitsinermut allatut peqataannginneq.*

§ 18. Ilinniartuq ilinniarnertuunngorniarfimmut allamut ilinniakkamulluunniit allamut nuuppat sulianullu tunngasut pissutaallutik ilinniartup faginik toqqakkatut qaffasissusilinnik nangitsinissaa ajornarpat, rektorip ilinniartuq fagini piukkunnassutsimut karaktereqalerfiusuni misilitsiffiusinnaasunilu fagimi ataatsimi arlalinniluunniit atuartitsinermut, kiisalu fagimik naammassinninnissamut peqataatinngissinnaavaa.

*Imm. 2.* Ilinniartup ilinniarnertuunngorniarfimmut allamut ilinniakkamulluunniit allamut nuunna tunuliaqutaralugu peqataannginnissamut piumasaqaataavoq ilinniartup fagini allani atuartitsinermut ilinniartup peqataanngiffigisaanut naapertuuttumik annertussusilimmik qaffasissusilimmillu atuartitsinermut peqataasarnissaa naammassinninnissaalu.

§ 19. Ilinniartup fagimik pineqartumik atuarfimmi allami ingerlatsillunilu naammassinninnissaa rektorip akuerisimappagu rektorip tamatumunnga peqatigitillugu ilinniartup fagimi atuartitsinermut, kiisalu piukkunnassutsimut inaarutaasumik karakterinnalluni fagimik naammassinninnissamut misilitsinnerusinnaasumullu peqataatinngissinnaavaa.

*Soraarummeersimanermut uppersaarammi angusimasanik ilinnarnermut allamut  
nuussisimanermik nalunaarneq*

§ 20. Ilinniartuq fagimik naammassinninnissamut peqataangissutaasumik angusimasaminik ilinnarnermut allamut nuussisimappat ilinniartup soraarummeersimanermut uppersaataani tamanna pillugu paasisitsisoqassaaq.

§ 21. Fagimi, angusimasanik ilinnarnermut allamut nuussinissamut tunngavigineqartumi suliassami, casemi, imaluunniit oqaluttariarsornikkut allattariarsornikkulluunniit misilitsinnermi inaarutaasumik misilitsinnermi karaktererisinnaasat ilinniartup soraarummeersimanermut uppersaataanut nuunneqassapput misilitsinnermi karakteritut aamma fagimi pineqartutut qaffasissusilimmi misilitsinnermi karakteritut.

§ 22. Piukkunnassutsimut inaarutaasumik karakterit taamatulluunniit karakterit ilinniartup fagimi angusimasanik ilinnarnermut allamut nuussinermut tunngavigineqartumi inaarutaasumik piukkunnassutsimik naliliviusut ilinniartup soraarummeersimanermut uppersaataanut nuunneqassapput, piukkunnassutsimut inaarutaasumik karakteritut aamma fagimi pineqartutut qaffasissusilimmi piukkunnassutsimut inaarutaasumik karakteritut.

§ 23. Fagi angusimasanik ilinnarnermut allamut nuussinermut tunngavigineqartuq, ilinniarnertuunngorniarfiit pillugit malittarisassat naapertorlugit karakterinik ilinniartup soraarummeersimanermut uppersaataanut nalunaarneqartussanut ilaqanngippat tamatumunnga taarsiullugu soraarummeersimanermut uppersaat karakterinik nuussiviumngitsumik angusimasanik ilinnarnermut allamut nuussisoqarsimaneranik oqaaseqaatitalerneqassaaq.

§ 24. Fagi, angusimasanik ilinnarnermut allamut nuussinermut tunngavigineqartuq ilinniarnertuunngorniarfiit pillugit malittarisassat naapertorlugit ilinniartup soraarummeersimanermut uppersaataani allanneqartussanit amerlanerusunik karaktereqarfiuppat tamatumunnga taarsiullugu soraarummeersimanermut uppersaatit karakterit fagimit angusimasanik ilinnarnermut allamut nuussinermut tunngavigineqartumit pisut agguaqatigiissinneri allanneqassapput. Agguaqatigiissitat akunnaallisaasarneq pillugu nalinginnaasumik malittarisassat ilinniarnertuunngorniarfinni naliliisarneq uppersaasiisarnerlu pillugit Namminersorlutik Oqartussat nalunaarutaanni aalajangersarneqartut naapertorlugit akunnaallisarneqassapput.

§ 25. Taarsiisuteqarnikkut angusimasanik ilinnarnermut allamut nuussisarneq pillugu malittarisassat naapertorlugit angusimasanik ilinnarnermut allamut nuussisoqarsimappat

ilinniartup soraarummeersimanermut uppersaataa tamanna, kiisalu fagip angusimasanik ilinniarnermut allamut nuussinermut tunngaviusup aqqa pillugu oqaaseqaatitalerneqassaaq.

§ 26. Ilinniakkanit ingerlaqqiffiusunit faginit karakterinik nuussisoqarsinnaanngilaq.

§ 27. Karakterit ECTS-skala aqutigalugu karakterinut ilinniarnertuunngorniarfiit pillugit malittarisassat naapertorlugit tunniunneqartartunut allanngortinneqarsinnaappata aatsaat nunani allani ilinniarnertuunngorniarfinit karakterinik nuussisoqarsinnaavoq.

§ 28. Fagini angusimasanik ilinniarnermut allamut nuussissutaasinnaasuni misilitsinnerit misilitsinnerni ilinniarnertuunngorniarfimmi naliliisarneq pillugu malittarisassani piomasqaataasuni amerlassutsinut taamaallaat atuutissapput ilinniartoq holdinut atuarfisaminut misilitsissutissatut makitsinerup kingorna misilitsittussaasimagaluarpat.

#### *Naammagittaalliortarneq pillugu aalajangersakkat*

§ 29. Ilinniartoq imaluunniit ilinniartoq angajoqqaatut oqartussaaffigineqarpat, angajoqqaatut oqartussaasut nalunaarut manna naapertorlugu rektorip aalajangiineranik, aalajangiinerup nalunaarutigineqarneranit sapaatit akunneri marluk qaangiutsinnagit Naalakkersuisunut inaarutaasumik aalajangiisussanut naammagittaalliuuteqarsinnaapput.

*Imm. 2.* Naammagittaalliuut tunngavilersorneqarsimassaaq.

*Imm. 3.* Naammagittaalliuut allaganngorlugu ilinniarnertuunngorniarfiup rektoriantut tunniunneqassaaq taassumalu nammineq suliarnut oqaaseqaasiaani ilanngullugit Naalakkersuisunut ingerlateqqissavai. Suliap ingerlateqqinneqannginnerani ilinniarnertuunngorniarfiup pisortaata naammagittaalliuuteqartoq oqaaseqaatigineqartumut oqaaseqarnissaanut sapaatit akunneranik ataatsimik piffissalerlugu periarfississavaa. Naammagittaalliuuteqartup oqaaseqaatigisinnaasai ilanngullugit Naalakkersuisunut nassiunneqassapput.

#### *Atuutilersitsineq*

§ 30. Nalunaarut atuutilissaaq 1. maj 2015-imi.

*Namminersorlutik Oqartussat, ulloq 14. April 2015*

  
Nivi Olsen

A handwritten signature in blue ink, consisting of a stylized 'M' followed by a long horizontal stroke that curves upwards at the end.

**Mikael Kristensen**